



Inatsisartuni ilaasortaq
Asii Chemnitz Narup, Inuit Ataqtigiit

§ 37 naapertorlugu mingutsitsinngitsunut allannguinnisaq pillugu apeqquteqaammut nr. 149-2022-mut akissut

Allakkap ullua: 14-09-2022
Suliap normua: 2022-104

Asasara Asii Chemnitz Narup

Inatsisartut suleriaasianni § 37, imm. 1 naapertorlugu mingutsitsinngitsunut allannguinnisaq pillugu suliaq siumut ingerlanersoq pillugu Naalakkersuisunut apeqquteqaateqarputit.

Postboks 1614
3900 Nuuk
Oqarasuaat: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

Apeqqut 1.

Naalakkersuisut iliuusissanut qanoq pilersaaruteqarpat, nammineq illuutillit kissarsuutininik uuliatortunik pigisaqartunut, pinngortitamut mianerinninnerusunik kiassarnermik periarfissaasinnaasunik taarsiisinaanissaannut? Assersuutigalugu kiassaait pumpemik (varmepumper) ingerlasut?

Akissut:

Naalakkersuisunit inuiaqatigiinni mingutsitsinngitsunut allannguinnisaq sulissutigineqarpoq.

Ullumikkut Nukissiorfiit illoqarfanni erngup nukinganik innaallagissersorneqartuni pingasuni akit appasissut atorlugit innaallagissamik kiassarnermik qaminneqarsinnaasumik neqerooruteqartarput. Taakku tassaapput Ilulissat, Nuuk aamma Sisimiut. Aamma Qasigiannuani Aasiannilu erngup nukinganik innaallagissiorfik sananeqareerpat innaallagissamik kiassarnermik qaminneqarsinnaasumik neqerooruteqartoqartalissaq.

Kissamat pumpit taamaallaat, soorlu erngup nukinganik innaallagissiorfimmiit sarfamik mingoqanngitsumik innaallagissersorneqarlutik ingerlanneqarunik avatangiisinut mingutsitsinngitsutut taaneqarsinnaapput. Nukissiorfiit naliliinerat malillugu illoqarfanni erngup nukinganik innaallagissersorneqartuni kissamat pumpilersuinani innaallagissamik kiassarnermik qaminneqarsinnaasumik ikkussuisoqarpat, tamanna silap pissusia eqqarsaatigalugu pissarsiaqarfiunerpaasussaavoq. Kissamat pumpit Kalaallit Nunaata silaannartaani, pingaartumillu ukiuunerani kiassarnermik pisariaqartitsiffiunerpaasumi pisinnaasaasa annikinnerunerat tamatumunnga peqqutaavoq. Tamanna pissutigalugu kissamat pumpit qaqutiguinnaq inoqtigiit kiassarnermut pisariaqartitaannik tamarmiusunik pilersuisinnaapput,

taamaattumillu nukissiutit allat atorlugit tunngaviusumik pilersuisoqarnissaa tamatigut pisariaqartinneqartartussaalluni. Taamaalilluni kissamut pumpi ukiuunerni pisariaqartitsinermit naammattunngorlugu annertussusilerneqassappat, imaluunniit tamatuma saniatigut atortulersuummik allamik, soorlu elektrokedelimik (innaallagissamik kiassarneq qaminneqarsinnaasoq) tapertaqartitsisoqassappat aningaasaliissutit annertuujusussaapput.

Illoqarfinni aasaanerani erngup nukinganik killilimmik isumalluuteqarfiusuni aammalu kissarnerusumik silaannaqartuni, kissamut pumpit erngup nukinganik innaallagissamik atuiffiusinnaasuni tapertarineqarsinnaanersut Nukissiorfinit misissuiffigineqarpoq.

Apeqqut 1.a.

Naalakkersuisut iliuusissaasinnaasut qanoq aningaasalersorneqarnissaat naatsorsuutigivaat?

Akissut:

Ullumikkut innaallagissamik kiassanermut qaminneqarsinnaasumut allanngueq pingaarnertut atuisunit namminernit aningaasalersorneqartarput, kisiannili aamma pisut ilaanni Nukissiorfiit aningaasalersuisarput.

Ullumikkut *Inatsisartut peqqussutaanni nr. 2-mi, 31. oktober 1991-imeersumi, kiassanermi erngup nukissiorfiata Utoqqarmiut Kangerluarsunnguaniittup pilersuiffiani kiassaateqarfinnut innaallagissamik kiassarneqartunut (elektrokedler) attavilersinnissamik pisusaanermut tunngasumi § 3 naapertorlugu Nukissiorfiit inoqutigiinnut innaallagissamik kiassanermut qaminneqarsinnaasumut allannguinnissamut peqqusisinnaapput. Nukissiorfiit atortulersuinissamut peqqusisimappata, tamanna Nukissiorfiit akiligaannik pissaaq.*

Apeqqut 2.

Naalakkersuisut iliuusissanut qanoq pilersaaruteqarpat Namminersorlutik Oqartussat ingerlataanni kissarsuutit uuliatortut pinngortitamut mianerinninnerusunut kiassanermut periarfissanut taarsersornissaannut, assersuutigalugu kiassaait pumpemik (varmepumper) ingerlasut?

Akissut:

Nukissiorfiit illoqarfinni erngup nukinganik innaallagissersorneqartuni innaallagissamik kiassanermik qaminneqarsinnaasumik atuilersinnaasunut allattuffeqarput, taakkulu elektrokedlinik qaminneqarsinnaasunik atortulersuinerup siuarsarneqarnissaa siunertaralugu Nukissiorfinit attaveqarfigineqassapput.

Mingutsitsinngitsunut allannguiniarnermut atatillugu kiassaariaatsinik silap pissusianut avatangiisinullu mingutsitsinngitsunik atuneq annertusarniarlugu periarfissat allat Naalakkersuisunit misissuiffigineqarniarput.

Apeqquut 2.a.

Naalakkersuisut iliuusissaasinnaasut qanoq aningaasalersorneqarnissaat naatsorsuutigivaat?

Akissut:

Apeqquummut 1.a-mut akissut takuuk.

Apeqquut 3.

Naalakkersuisut iliuusissanut qanoq pilersaaruteqarpat kommuneni kissarsuutit uuliatortut kiassaatinut pinngortitamut mianerinninnerusunut sumiiffinni taarserneqarsinnaanissaanut periarfissiisunik, assersuutigalugu kiassaatit pumpemik (varmepumper) ingerlasut?

Akissut:

Nukissiorfiit innaallagissamik kiassarnermik qaminneqarsinnaasumik atuilersinnaasunut allattuiffeqarput, taakkulu elektrokedlinik qaminneqarsinnaasunik atortulersuinerup siuarsarneqarnissaa siunertaralugu Nukissiorfinit attaveqarfingineqassapput.

Mingutsitsinngitsunut allannguiniarnermut atatillugu kiassaariaatsinik silap pissusianut avatangiisinullu mingutsitsinngitsunik atuineq annertusarniarlugu periarfissat allat Naalakkersuisunit misissuiffingineqarniarput.

Apeqquut 3.a.

Naalakkersuisut iliuusissaasinnaasut qanoq aningaasalersorneqarnissaat naatsorsuutigivaat?

Akissut:

Apeqquummut 1.a-mut akissut takuuk.

Apeqquut 4.

AIS 2023-mut aningaasaliissutissanik immikkoortitsisoqariissava kiassaatinik uuliatortunik atorunnaarsitsinissamut iluaqtissanik?

Akissut:

AIS2023-mi aningaasanik kiassaatinik uuliatortunik piiaanissamut atugassanik immikkoortitsisoqarsimanngilaq.

Naalakkersuisuniit maannarpiaq mingutsitsinngitsunut allannguisarnerit amerlisarniarlugit suliniutissat assigiinngitsut misissuiffingineqarput, taakkunungalugu qanoq iliorluni aningaasalersuinissaq tullerriiaarinissarlu ilaatinneqarput.

Apeqquut 5.

Naalakkersuisut mingutsitsinngitsumik nukissiuuteqarnissamut ikaarsaariarnissamut pilersaarutaat innuttaasunut attumassutillit allat suuppat?

Akissut:

Apeqqummut 4-mut akissut takuuk.

Apeqquut 6.

Pingaarnersiuluni tullerriiarineq qanoq isikkoqarpa?

Akissut:

Apeqqummut 4-mut akissut takuuk.

Erngup nukinganik atuinerup annertusineqarnissaa uuliamik atuinitinnik annikillisisinissamut aamma inuiaqatigiinni mingutsitsinngitsunut allannguissamut iluaqutaanerpaasussaavoq.

Naalackersuisuniit pisortat pilersuineranni erngup nukinganik atuinerup annertusitinneqarnissaa ullumikkut sulissutigineqareerpoq. Maannarpiaq Utoqqarmiut Kangerluarsunnguanni innaallagissiorfimmiit erngup nukinganik pilersuinerup annertusitinneqarnissaa aamma Qasigiannuani Aasiannilu erngup nukinganik innaallagissiorfiliortoqarnissaa Naalackersuisunit sulissutigineqarpoq, tak. *Nuup kiisalu Qasigiannuut Aasiaallu pilersorneqarnerannut erngup nukinganik nukissiorfinnik taakkunungalu atatillugu atortunik sanaartornermut, aningaasalersuinerumut ingerlatsinermullu killiliussatut atugassarititaasut pillugit Inatsisartut inatsisaat nr. 22, 1. december 2021-meersooq.*

Inussiarnersumik inuulluaqqusillunga


Kalistat Lund